

楊襄毅公本兵疏議

楊襄毅公本兵疏議卷之十八

請重叅贊機務南京兵部尚書事權疏

少保兼太子太保兵部尚書臣楊博等謹

題爲議處南京叅贊事權以備倭患事職方清吏司案
呈照得南京兵部尚書先該兵科具題欲要增重事
權本部議擬覆題奉

旨增勅一道止爲內地賊情後因事寧已經奏繳查得振
武等營官兵原爲倭患而設去歲倭奴突患蘇松淮
揚之境密邇南京未免震驚必須長顧却慮以爲經
久之計庶保萬全至乞查處案呈到部看得南京根

本重地先因倭奴突至城外以故添設振武等營各以五府都督領之緣府部衙門相等原無統攝且內而操江都御史外而巡撫都御史事體俱不相關倉卒有警叅贊尚書坐致束手先年雖增

勅諭一道止爲內地賊情旋即奏繳即今倭患未已先事之圖不可不慎既經該司具呈前來相應題請合候命下移咨南京兵部轉行南京五府僉書都督既分管振武神機大小教場以後俱屬叅贊節制操江都御史應天巡撫都御史凡事與叅贊協同計議而行副總兵叅遊兵總等官俱聽叅贊委用未盡事宜悉聽

叅贊從宜處置本部行移翰林院除原

勅照舊外另請

勅諭一道給付新任尚書胡松欽遵行事不必奏繳嘉靖
四十五年正月十二日題奉

聖旨是欽此

分布薊鎮防春兵馬并稽犒賞銀兩疏

題爲分布防春兵馬事職方清吏司案呈奉本部送准
總督薊遼保定等處軍務兼理糧餉兵部右侍郎兼
都察院右僉都御史劉燾揭帖前事到部送司案呈
到部看得總督侍郎劉燾所揭分布防春兵馬大略

謂十路之中地形有險夷則其勢有衝緩一路之中
警報有大小則其機有急緩無警而守則分兵以爲
正有警而戰則合兵以爲奇議論井井比之四十三
年四十四年防春之計更爲精密但官兵修邊連歲
勤苦不知犒賞銀兩有無足用相應亟行議擬合候
命下備行劉燾通行鎮巡等官胡鎮劉漢佟登耿隨卿查
照今議遵行仍各具由回奏其副總兵申維岳而下
各具遵行過緣由申呈本部查考各該大小將領兵
備該道如有不行用心監督致悞事機者悉聽劉燾
一體叅究仍行劉燾備查本部原發犒賞銀兩見在

若干果不足勾春秋兩防支用具由咨部以憑處發
不得惜費咨於咨請一面差人分番遠哨務得虜情
明耳目以重腹心萬保無虞方爲上策嘉靖四十五
年正月十三日題奉

聖旨是這防春事宜著劉壽賢率鎮巡等官各務實行欽
此

覆福建撫按官報逆賊吳平遁海督責擒勦疏
題爲官兵搗巢殘賊復遯查叅水陸失事官員事職方
清吏司案呈奉本部送據巡按福建監察御史陳萬
言揭帖又該提督軍務兼巡撫福建地方都察院右

僉都御史汪道昆揭爲走報賊情事到部通送到司
案呈到部看得福建撫按官各揭前因大率謂南澳
吳平潰圍越遯高雷地方水兵不行併堵尋復寇掠
陳饒等處陸兵不克遏截在御史陳萬言則稱廣東
叅將湯克寬原任都司白瀚紀福建都司傅應嘉叅
將李超把總羅繼祖罪當首論饒平知縣管惟乾廣
東哨官楊儼鎮撫俞盛罪當次論鎮守惠潮總兵官
俞大猷罪當罷黜及稱兩廣侍郎吳桂芳總兵官吳
繼爵福建巡撫汪道昆總兵官戚繼光俱勲庸勞苦
不可遽議在部御史汪道昆則稱叅將李超孤軍遇

寇僅心相當都司傅應嘉違律從兵卒與同敗相應
併論及各要再行閩廣督撫諸臣刻期窮勦各一節
爲照海賊吳平等竊據山澳流劫潮澄閩廣二鎮均
爲心腹之疾乃今三捷方就一簣終虧餘黨雖以削
平首惡竟致奔潰死灰復燃釜魚竟逝殊可駭嘆臣
等恭詳各官情罪其在水兵下門當爲第一其在陸
兵違律罪即次之巡按御史獨青備於俞大猷要行
罷黜亦不爲過但地方正在用兵與其臨敵易將不
若使過責功相應議擬合候

命下將俞大猷先行革去都督職銜仍與湯克寬白瀚紀

傳應嘉李超羅繼祖管惟乾楊儼俞盛各將俸糧住
支責令戴罪殺賊立功自贖一面移咨侍郎吳桂芳
巡撫汪道昆會同總兵官吳繼爵戚繼光務要乘賊
既敗之後各照原議兵舡軍馬分數就以湯克寬李
超等統領前去分投夾勦無分水陸務底蕩平如敢
仍前參差不一逗遛不進聽提督叅贊衙門先以軍
法網打其實叅處置其湯克寬先已推補狼山副
總兵吳平未獲不許交代赴任一面移咨都察院轉
行廣東福建巡按御史各就附近地方親行監督要
見某處官軍精整某處官軍疎怠某省兵舡前進某

省兵船觀望先將承委將領官員叅論拏究仍相機
調度併力夾擊以靖地方事寧之日通將前項有罪
將官并以後有功人員一併分別從實具奏嘉靖四
十五年正月二十二日題奉

旨是俞大猷姑著住了俸與湯克寬等戴罪殺賊欽此
覆都給事中邢守庭等請飭邊臣加慎春防疏

題爲申飭邊臣加慎春防以保萬全事職方清吏司案
呈奉本部送兵科抄出兵科都給事中邢守庭等題
奉

聖旨兵部看了來說欽此欽遵抄出送司案呈到部看得

春防事宜在薊昌二鎮者先該總督侍郎劉燾列款具題已奉

欽依在宣大山西三鎮者見該總督尚書趙炳然列款具題正在議覆乃今兵科復有申飭之奏蓋因

聖諭諄切惟恐邊臣一時怠緩致勞

宵旰之意臣等摘其大要其一謂薊鎮士卒橫暴居民總督監司不相釐禁其二謂天城迤北虜掠百姓將領不行追逐其一謂各邊將官習成舊套不肯用命對敵均為至計相應通行議擬合候

命下備行總督劉燾趙炳然郭乾并各該鎮巡等官

節年題定邊防事務逐一著實舉行以修邊政主客
軍士嚴加約束在督撫不得曲爲護庇貽害居民在
監司不得承順上官任其殘暴虜未入則嚴加哨探
早爲收保虜既入則交相策應務中機宜大小將領
遇有警報身先士卒努力血戰以報

國恩如敢仍前逗遛鼠竄者聽各該巡按御史指名叅
奏照依律例置諸重典以示懲戒及照大同通虜一
節先該趙炳然題叅總兵官姜應熊罪狀已經行勘
未見回奏合無移咨都察院轉行彼處巡按御史會
同趙炳然即將前項事情限一月以裏從實勘報至

於天城迤北平遠新平保平三堡趙炳然亦要多方
振飭以靖邊方嘉靖四十五年正月三十日題奉
聖旨是欽此

覆四川巡按御史李廷龍亟處支羅土寇餘黨疏
題爲將官撫馭失策軍兵流毒地方乞

勅兩省撫臣亟圖計處以裨安攘事職方清吏司案呈奉
本部送兵科抄出巡按四川監察御史李廷龍題奉
聖旨兵部知道欽此欽遵抄出送司卷查近該巡按湖廣
監察御史徐大壯題稱土寇黃中恣肆猖獗及叅
州衛指揮童養廉馬圖原任荆瞿守備鍾曉弘通土

寇明受贓私等因該本部議將董養廉馬圖革去管
軍官事鍾曉革去見任一面移咨都察院轉行湖廣
巡按御史通提到官監候即今黃中已獲照依原犯
事理對問明白從重問擬具奏題奉

旨是董養廉馬圖鍾曉著巡按御史提問具奏欽此隨
經備行欽遵外今該前因通查案呈到部看得巡按
四川監察御史李廷龍題稱湖廣該省以官為質更
令黃中投降群兇愈肆猖獗搶奪印信永順土司受
賄縱兵報讎及叅施州衛指揮董養廉馬圖交通首
黨罪積有年所當重究守備荆瞿指揮僉事湯世傑

坐視無能庸流莫振鎮寧叅將洪達以官爲質縱兵
劫奪所宜並究乞要將童養廉等轉行彼處巡按御
史提問黃中餘寇及驕縱軍兵殺虜倪旄通行處置
搶奪印信追究下落仍乞轉行川廣巡撫採訪輿情
停妥會議奏請各一節爲照支羅巨寇止一黃中在
四川勦之固爲正中之奇在湖廣撫之亦是奇中之
正要之渠魁既得大勢已定若使湖廣計出萬全事
當錄功乃今已平之數寨未見安定未下之餘寇未
見掃除驕縱之軍兵未見禁戢殺虜之倪旄未見處
置以致四川巡按御史有此論列係干地方重大賊

情相應通行議擬合候

命下將童養庶馬圖鍾曉湯世傑洪達移咨都察院轉行
湖廣巡按御史陳省查照先令事理通提到官要見
何官節年縱賊何官以官爲質永順土司是否殺虜
人財巡司印信果係何人搶奪逐一追究明白併將
黃中照依律例問擬回奏一面移咨四川湖廣巡撫
都御史會同各該巡按御史速將黃中餘黨惡應勦者
勦應撫者撫同心戮力以靖地方其一應善後事宜
從長計議歸一具奏如敢自分彼此誤事殃及聽兩
省巡按御史指名叅究以憑重治嘉靖四十五年二

月初四日題奉

聖旨是這賊寇餘黨著兩省撫按官協心相機撫剿以靖地方不許乖違誤事欽此

覆應天撫按官周如斗等請令浙江分巡官兼制徽州府地方疏

題爲議處弭盜事宜以保生靈以安重地事職忝清吏司案呈奉本部送兵科抄出總理糧儲提督營務兼巡撫應天等府地方都察院右僉都御史周如斗巡按直隸監察御史宋纁題俱奉

聖旨該部知道欽此通抄送司案呈到部看得應天撫按

官周如斗宋纁各題稱徽州府所屬歙休婺源三縣
接連江浙地方江賊礦賊出沒爲害欲要比照九江
兵備事例將徽州府改聽浙江金衢嚴分巡道管攝
該道仍聽應天撫按節制以便捕盜三縣適中處所
建築城堡該府巡捕同知在彼駐劄領兵仍行饒州
兵備將沿江一帶浮賊一體緝捕各一節爲照徽州
府屬歙休婺源三縣萬山深邃與江浙二省相爲唇
齒江賊礦賊不時出沒所據專官統攝犬牙相制既
與饒州兵備事例相同添兵捕勦臂指相使又與徽
州同知職守無碍係干地方相應通行依擬合候

命下將徽州府并所屬縣分改隸浙江分巡台金嚴道就近統攝一應水陸盜賊軍民詞訟俱聽捕理該道仍聽應天撫按衙門節制本部一面定擬責任請給

勅書賞付欽遵行事一面移咨江西巡撫都御史周如斗轉行九江兵備道將沿江一帶流劫浮賊公同緝捕如敢嫁禍隣境悉聽各該巡按指實叅論至於專責該府同知練兵捕盜及添設公廨計處兵糧等項事宜俱聽應天巡撫都御史謝登之巡按御史宋纁徑自舉行嘉靖四十五年二月初六日題奉

聖旨是欽此

覆宣大總督尚書趙炳然節報虜警戒嚴疏

題爲傳報虜情事職方清吏司案呈奉本部送兵科抄
出總督宣大山西等處地方軍務兼理糧餉兵部尚
書兼都察院右都御史趙炳然題奉

旨兵部看了來說欽此欽遵抄出送司卷查先該總督
薊遼侍郎劉燾塘報本部看得大同先有黃台吉欲
要東搶之報而薊鎮復有他不能之報窺伺永寧四
海冶之事似不爲虛逼近畿輔急當嚴備已經通行
宣大薊遼總督鎮巡等官多方隄備又節該總督宣
大尚書趙炳然揭帖一稱降人供稱把都兒分付衆

達子收拾馬匹待那箇月上要搶一稱黃台吉將兀
慎家達賊調去與河聚結要從有石頭的邊牆進搶
一稱降人供報聽得達賊打兒漢說稱煙煙調賊要
在初八九搶大同等語俱經本部節行各該總督鎮
巡等官加謹哨備去後今該前因通查案呈到部看
得前項虜情俱出自傳報之言既無結聚之形又無
向往之跡或東或西均難預定但時方二月正屬防
春之時委當嚴備以保萬全合候

命下本部馬上差人賫文交與趙炳然一面移駐懷來
機調度一面轉行總兵官馬芳孫吳董一奎嚴督六

小將領正遊兵馬各照分定信地防禦策應一面責
差乖覺通夜遠行哨探務得虜情一面分投傳諭居
民收保堅壁清野務使醜虜匹馬不得南下方爲奇
功嘉靖四十五年二月初七日題奉

聖旨是欽此

議已故宣大總督兵部尚書江東軍功錄廕疏
題爲比例懇乞

天恩俯賜祭葬贈謚錄廕以光泉壤事職方清吏司案呈
奉本部送准禮部咨該山東等處承宣布政使司東
昌府濮州朝城縣官生江至順奏奉

聖旨禮部查例來看欽此該本部覆題奉

聖旨江東淮照例與祭葬還與他謚欽此欽遵咨部送司

卷查嘉靖三十二年十二月內淮禮部咨內稱原任

總督陝西三邊軍務太子太保兵部尚書王以旂在

任病故題准祭葬與謚移咨查照錄蔭本部覆奉

聖旨王以旂既有邊功准照例廕一子送監讀書欽此欽

遵訖今淮前因查呈到部看得禮部咨稱原任太子

太保兵部尚書總督宣大山四等處軍務江東在任

病故題准祭葬賜謚所據贈官錄蔭移咨吏兵二部

施行一節爲照已故總督尚書江東父膺閭寄茂著

邊功大同右衛之解危躬擐甲冑蘇鎮古北之逐虜
手握旌旄雖與王以旂大略相同而勞勩過之既經
該司查例前來相應題請合候

命下將江東錄蔭一子送監讀書但 恩典出自

朝廷嘉靖四十五年二月初十日題奉

聖旨是欽此

覆宣大總督尚書趙炳然責成撫臣及時修繕疏
題爲申飭邊臣加慎春防以保萬全事職方清吏司案
呈奉本部送准總督宣大山西等處地方軍務兼理
糧餉兵部尚書兼都察院右都御史趙炳然揭帖前

事等因到部送司案呈到部看得邊方修繕總督大臣不過提其大綱至於分地整飭全是巡撫諸臣之責即如前任撫臣

明旨未督責之前則泄泄自如三月方行奏報

明旨既督責之後則遑遑不暇兩鎮立見工成是其明驗今春暖土融正惟興造之時而巡撫都御史張志孝冀鍊又當新任之初委宜力鑒於前思善其後係于邊計相應通行依擬合候

命下移咨總督尚書趙炳然轉行大同巡撫張志孝宣府巡撫冀鍊會同該鎮總兵督同守巡兵備將領司府

州縣等官一面先將興工日期具由奏知一面查照所管地方應修城堡墩臺照依議定衝緩分定人力派定口糧鹽菜銀數親行監督著實修築總督巡撫仍不時往來巡閱嚴加稽考務期七月終旬告完足堪保障巡撫官一面從實回奏一面將修過城堡買過糧芻備過火器補過馬匹及行過事宜備細造冊具奏青冊送部查考中間果有成效悉聽總督巡按御史覈實奏薦如或遷延不行修理或修草率不堅總督巡按御史亦要指名論列以憑從重究治嘉靖四十五年二月十一日題奉

聖旨是欽此

覆北畿印馬御史顧廷對再議寄養馬政疏

題爲俯竭愚忠酌議寄養馬政以祛宿弊以裕實用事
車駕清吏司案呈奉本部送兵科抄出巡按直隸等
處監察御史顧廷對題奉

聖旨兵部看了來說欽此欽遵抄出送司案呈到部看得
巡按直隸監察御史顧廷對條陳六事均於馬政有
益合就開立前件議擬上請定奪嘉靖四十五年二
月十四日題奉

聖旨依議行欽此

一曰順時月以定規制
看得馬廐所費無論多寡猶
爲小節至於團槽喂養
在邊鎮亦間有行者行之
裏不知人情事體有無
總便改革之際極當慎重
無移容順天保定二處
巡撫都御史會同印馬御史
顧廷對先將團槽一事
計議停當如果可行別無窒
碍備由咨部然後徐議
馬廐以終其事

二曰酌戶額以圖實效
看得寄養人戶原爲養馬而
設馬數不滿二萬馬戶多至四萬徒存虛額無益實
用委當清查以示調停
合無依其所擬轉行印馬御
史顧廷對即將各該州縣分別上中下三等酌量增

減仍查照寄養人戶丁口多寡通融均派大率止要
二萬五千戶實數每年而匹照數分派領養編派完
日造冊送部備照其不計芝馬多至一萬二千餘匹
空費喂養應該作何處置亦聽本官徑自議處具奏
三曰一事例以均民便焉得倒失寄養馬匹舊例俱
是追納銀兩近該本部議旨四十二年為始領養十
年以下未經借兌者俱追補本色馬匹姑免問罪十
年以上及曾經借兌者方許分別年限追納銀兩蓋
以買馬為難追銀為易姑爾止緣馬戶作弊往往賤
買小馬苟且充數以致應買馬者重而反輕應徵

者輕而反重御史顧廷對欲令通買本色固爲有見
但恐人心不齊勢難轉合未免又啓爭端合無轉行
本官責令各該州縣以後倒失馬戶應買本色者務
要收買止大合式好馬解赴該寺印烙發屬寄養該
寺亦不許姑息收印以滋弊端其應該追銀一十二
兩以下者仍其舊習不必更改

四曰蠲逋負以舒積困看得各該寄養州縣連歲災
傷荒疲至極倒失馬匹委果追徵不前但恐奸頑得
計益將馬匹任意作踐無復忌憚合無斟酌所擬嘉
靖四十一年以前倒失者盡數蠲免以蘇民困四十

二年以後倒失者立限追補其節年變賣馬價照舊完解印馬御史提督少卿務要用心稽查以革宿弊五曰重久任以專責成看得太僕寺提督寄養少卿既奉專勅自當久任責成合無依其所擬移咨吏部以後寄養少卿必須三年考滿方許陞遷遺下員缺仍查年資相應久任者酌量銓補

六曰通文移以聯職掌看得太僕寺職專馬政與印馬御史委相關涉寺院文移必須彼此相通事方有濟合無割行該寺并寄養少卿以後一切馬政務要與印馬御史互相關白以便考覈其造冊填註各項

馬數每年終會同查對等項事宜悉如所擬施行

覆南畿印馬御史周弘祖請禁奏免種馬疏

題為懇乞 聖斷禁奏以全

祖制事車駕清吏司案呈奉本部送兵科抄出巡按直隸

監察御史周弘祖題奉

聖旨兵部知道欽此欽遵抄出到部送司查得馬政條例
內洪武年間設立種馬每兒馬一匹騾馬四匹為一
群俱令近京人戶領養每群立一群頭每五群立一
群長管領羣牧洪武二十八年革群監官令有司提
調羣牧定以江南一十一戶共養馬一匹江北五戶

共養馬一匹永樂十年令北直隸各府州縣俱養孳
牧馬匹宣德四年令山東濟南兗州東昌三府領養
孳生馬匹正統十一年又令河南彰德衛輝開封三
府領養孳生馬匹永爲定例弘治六年本部奏定兩
京太僕寺額設種馬十二萬五千匹更不搭配立群
及將山東河南六府計丁養馬北直隸真定等府南
直隸廬鳳等府論地養馬俱係題准事例遵行已久
今該前因查呈到部看得巡按直隸監察御史周弘
祖題稱額養種馬地方近日紛紛奏免恐致馬政廢
壞乞要以後但有奏革種馬者立案不行及不得更

行撫按衙門查勘或治一二以警其餘一節為照種馬之設國家之軍機攸係

祖宗之典章具存數年以前止因御史錢業一啓奏免之端遂使各處小民觀望成風撫拾浮辭往往比例陳乞委當通行禁治合候

命下移咨都察院轉行南北直隸印馬御史并咨各巡撫都御史會同巡按御史通行所屬各府州縣曉諭各該養馬人戶以後不許再行奏免種馬以壞舊制如敢仍前奏擾聽本部一面將奏辭立案不行一面將具奏人役拏送法司從重治罪以示後戒嘉靖四十

五年二月二十二日題奉

聖旨是欽此

覆給事中鄭欽等論湖川兩省報捷失實勘究疏
題爲仰關 國計俯切民瘼懇乞

聖明並究誤事重臣速處運道早靖地方事職方清吏司

案呈奉本部送兵科抄出戶科給事中鄭欽題奉

聖旨谷中虛劉自強兵部看議來說欽此又該兵科都給
事中邢守庭等題爲湖川兩省奏捷異詞乞

賜嚴行覈實以靖餘孽以安地方事奉

聖旨兵部看了來說欽此又該巡撫湖廣等處地方兼賚

理軍務都察院右僉都御史谷中虛題爲官兵會
土寇仰仗 天威既獲渠魁悉降餘黨地方平靖
又該巡撫四川等處地方都察院右副都御史劉自
強題爲巨惡土寇貽患多年仰仗 天威官兵夾勦
已平飛奏捷音以慰

懷事又該本官題爲拏獲妖逆賊首事俱奉

旨兵部知道欽此欽遵通抄送司卷查近該巡撫四川
都御史劉自強題稱擒獲妖賊蔡伯貫等乞要究問
擬罪未獲賊首黃一元拏獲之日另行具奏等因該
本部議將劉自強俸糧開支候與譚綸交代畢日即

便回京一面移咨都察院轉行四川巡按御史將劉
自強并地方官員通行查勘其蔡伯貫等問擬明白
即便會官依律處決具由回奏一面移咨譚綸速將
善後事宜列款奏請覆題奉

聖旨是劉自強往開俸妖賊蔡伯貫等著便問擬明白會
官處決欽此又該巡按四川監察御史李廷龍題稱湖
廣該省以官爲質更令土寇黃中投降群兇愈肆倡
獮搶奪巡司印信求順土司縱兵報讎乞要通行勘
處等因該本部議將指揮等官童養廉馬圖鍾曉湯
世傑洪達移咨都察院轉行湖廣巡按御史陳省查

照先今事理通提到官逐一追究併將軍中照依律例問擬回奏一面移咨四川巡撫都御史又會同各該巡按御史速將黃中餘黨應勦者勦應撫者撫同心戮力以靖地方其一應善後事宜從長訂議歸一具奏如敢自分彼此誤事殃民聽兩省巡按御史指名叅究以憑重治覆題奉

聖旨是這賊寇餘黨著兩省撫按官協心相機撫勦以靖地方不許乖違誤事欽此俱經通行欽遵去後今該前因通查案呈到部看得妖寇蔡伯貫之變乃四川一省之事山寇苗中之變乃川湖二省之事蔡伯貫黃

一元等雖稱次第斬獲先已連破七城收人刼庫其
事爲重黃中黃朝等雖稱次第歸降見今尚有千人
依山據寨其事不輕臨事撫勦各別違協心相機之
旨奏捷彼此迥異失同寅和衷之風所據巡撫都御史劉
自強谷中虛既該戶科給事中鄭欽兵科都給事中
邢守庭等交章論列前來相應通行議擬合候

命下備咨都察院轉行四川湖廣巡按御史各會同查勘要
見蔡伯貫連破七城殺虜人口若干焚劫官庫若干
黃中一事既奉

明旨會同撫勦緣何一主於撫一主於勦不相關白黃中

果否面縛接見是否以官貨出官兵曾否被賊殺傷
是否未損片甲未折一卒見今童甲等尚據祖師殿
巢穴是否燬平餘黨巢否安插劉自强谷中虛或罪
浮於功或功浮於罪或功罪相準應該作何處置逐
一勘明從實回奏如果賊尚未平催行二臣調兵掃
除以靖地方如果賊已全平聽二臣交代畢日各趨
新命到任管事稍候勘至有無干碍另行定奪其賊首黃
一元照依蔡伯貫事例問擬明白會官處決嘉靖四
十五年二月二十六日題奉

聖旨是這兵事奏報不同著湖廣四川巡按御史作速會

勘明白題請黃一元依擬處決欽此

覆南京兵部侍郎喻時等條議添設夜巡官軍疏
題爲比例乞撥馬步軍夜巡以預防盜賊以靖地方事
職方清吏司案呈奉本部送兵科抄出南京兵部等
衙門右侍郎等官喻時等題奉

聖旨兵部知道欽此抄出送司卷查先該南京巡視京城
監察御史田應弼等奏該本部覆議行勘去後今該
前因案呈到部看得南京京城內外添設夜巡事宜
既該右侍郎喻時等會處前來相應題請合候

命下移咨南京兵部新任尚書胡松即將該營應撥官軍

應用馬匹該城應校弓兵該衛應委把總衛總悉照
五城分定地方每月輪定班次應選撥者選撥應舉
行者舉行合用口糧料草銀兩備咨南京戶部照數
支給其提督神機營署都督僉事昌壽既稱營務
稍簡就令兼管巡捕本部請換

勅書一道載入提督夜巡一項行令本官用心總理把總
衛總五城兵馬等官俱受本官節制未盡事宜仍聽
胡松以次計處巡捕官軍該城御史嚴加稽考果有
地方疎虞及影占軍馬冒領錢糧等弊即便指名叅
奏其餘悉如所擬徑自施行嘉靖四十五年三月初

二日題奉

聖旨是欽此

一巡軍兩班共該用馬步若干名查得留都南城地方通在城外中城地方通在城內東西北三城地方內外俱有若照各城地方內外分派則城內廣濶軍馬數少巡緝不周難以接濟合無將南城軍馬添撥中城廣濶地方東西北三城軍馬俱止在各城內要害街衢分布巡緝每半月更番一次兩班共該馬步軍一千名馬二百匹大教場等營軍少差多難以摘發合於振武營東西兩廳選用專令夜巡免其差操

如有事故仍於該營照缺查補所選兩班軍馬每巡
一年將週南京兵部委官會同提督官行營另換更
操

一每城每夜該用馬步若干名議得城內中城地方
每夜用軍二百名馬四十匹東城地方每夜用軍一
百名馬二十匹西城地方每夜用軍一百名馬二十
匹北城地方每夜用軍一百名馬二十匹

一人加口糧三斗馬加料銀二錢果否相應查得各
營軍士每年春秋二操上役不及三月若選充夜巡
每月上操一十五日在冬夏不免衝寒冒暑較之操

備誠爲勞苦委應量加優恤查照原奏除正糧之外
每步軍一名月加口糧三斗或照例折銀一錢五分
每馬軍一名月加糧料銀二錢

一合用馬匹於何處取給議得城內兩班共用馬二
百匹巡軍既於振武營撥選其馬匹亦合隨營取用
一應否以五府提督一員坐名奏請令其總理查得
京師巡捕既有都督總管又有叅將分管今南京添
設把總衛總分管巡軍而節制不專散漫無紀非所
以重事權也今查南京五府僉書都督各有兼管營
務惟神機營軍士不滿二千專習火攻一藝較之

各營事務稍簡見係後軍都督府署都督僉事昌壽
提督本官頗協軍心合無行令不妨原務兼管夜巡
仍將應領勅書換給添載夜巡事宜崇以

詔令其總理其本官既有夜巡之責合用跟隨人役相
應照例添撥一十五名馬三匹把總八員衛總八員
俱合照例撥給把總每員軍五名馬一匹衛總每員
軍四名馬一匹共用軍士八十七名馬一十九匹仍
照夜巡軍馬一體加給糧料週年選換至年終都督
仍開造獲過盜賊起數及有功失事人員揭帖送南
京兵部查考

一仍設把總幾員方勾分理查得原奏每城選委才幹指揮各一員督率今照各城地方曠濶止設官一員恐或管理不及軍馬既有上下二班官豈可以獨任勞逸合無城內共設把總八員衛總八員分爲兩班督率軍馬更番巡邏其把總不用管操人員合於京衛掌印僉書及武舉會舉指揮內選其勤謹而無過者充之衛總於各衛雜差指揮內選用俱聽都督提調年終聽巡城御史論舉如有事故照缺選補一五城弓兵見有若干查得五城兵馬司舊設弓兵多寡不等俱不滿百名向在各處地方巡緝近因各

衙門差用以致事多延緩合無盡數查發該城與同見役弓兵照舊輪撥晝夜常川巡緝遇有賊警傳報官軍併力擒捕其兵馬司指揮等官如遇地方有警仍聽都督提調平時一應事務不得干擾

一各衙門餘丁見有若干即今作何議處令其彼此歸一查得各衛巡捕餘丁每衛原額軍餘十名專隨巡捕委官應役委係多不足數雖有巡緝之名無救緊急之患合無行令各衛查照原額補足十名每名每月量給口糧二斗每夜責令跟隨各該巡捕委官巡緝仍聽把總等官稽查

覆宣大總督尚書趙炳然敘宣府戰功行賞疏

題為達賊入犯官軍奮勇敵敗斬獲首級奪獲戰馬夷
器等事職方清吏司案呈奉本部送兵科抄出總督
宣大山西等處地方軍務兼理糧餉兵部尚書兼都
察院右都御史趙炳然題奉

聖旨兵部看了來說欽此欽遵抄出送司案呈到部看得
宣大二鎮兵勢積弱已非一日每遇猾虜侵軼保守
部曲即為全功衝冒鋒敵臣惟少見仰賴

聖皇在上雷霆之威又寒旃裘之心風沙之變屢申隄備
之諭以故總督尚書趙炳然仰承

廟略多方鼓舞入春以來功之細者無論正月初十日宣
府副總兵任勇西陽河後口有二十一顆之捷正月
二十七日大同總兵官孫吳等弘賜堡邊外有一十
六顆之捷乃今宣府總兵官馬芳下復有三十一顆
之捷在趙炳然與馬芳其功固當首論而坐營官陳
周叅將袁世械守備璽堂車相防守劉一奎督陣旗
牌魏相功俱難泯係十激勸相應通行議擬合候
命下將趙炳然馬芳先行優加獎賞袁世械陳周魏相重
加賞資璽堂車相劉一奎聽總督軍門分別犒賞一
面移咨都察院轉行宣大巡按御史將前項功次從

實查勘分別首從其馬芳陳周魏相亦要一併議擬
要見馬芳官已極品應該作何優錄陳周魏相見係
充軍應否准其贖罪作速造冊具奏嘉靖四十五年
三月初四日題奉

聖旨是趙炳然賞銀五十兩紵絲二表裡馬芳四十兩二
表裡袁世械等各十兩一表裡二鎮前後功次著巡按
御史作速查勘具奏欽此

覆巡撫浙江都御史劉畿請協鄰境勦平礦寇疏
題為飛報地方賊情重職方清吏司案呈奉本部送往
提督軍務巡撫浙江地方都察院右副都御史劉畿

揭帖前事到部送司案呈到部看得前項礦寇突至
徽州攻破婺源縣治節經臣等題奉

明旨備行浙江江西南直隸三省協力會勦正與巡撫都
御史劉畿今次所見相合但惟浙江開化原係礦賊
巢穴且此處見有練成烏兵坑兵比之江西直隸旋
召之衆強弱不同所據用兵一事必須浙江為主江
直隸之況巡撫都御史劉畿素有威名欲要親自調
度誓滅此賊忠憤可嘉相應亟行申飭合候

命下本部馬上差人移咨劉畿速督分守叅政江珍分巡
僉事李穉都司陳大成守備盧相等不分本省隔省

星夜領兵隨賊追勦務要及早蕩平以靖地方其南
直隸巡撫都御史謝登之江西巡撫都御史周如斗
亦要會同劉畿各發勁兵一體勦捕如敢自分彼此
致悞事機聽各該巡按御史指名叅究至於脅從之
內委有迫脅愚民出給簡易告示或免死印信小帖
令其解散即與開釋不得一槩混殺致傷和氣徽州
築城練兵等項事宜催行知府何東序上緊整理巡
捕同知張子瑄既已提問吏部先行作缺查訪年力
精壯治有成效官員作速推補嘉靖四十五年三月
十一日題奉

是這礦賊著謝登之周如斗會同劉畿各急募兵夾剿不許自分彼此縱寬殃民欽此

覆左給事中馮成能督責將領六事疏

題爲議處責成將領以嚴勸懲防事職方清吏司案呈奉本部送兵科抄出兵科左給事中馮成能題奉

聖旨兵部看了來說欽此欽遵抄出送司案呈到部看得兵科左給事中馮成能所陳前因相沿之弊有六歷歷可據善後之實有六鑿鑿可行要之皆爲責成將領而發合就開立前件議擬上請定奪嘉靖四十五年三月二十八日題奉

聖旨依擬行欽此

一曰申明事權大略欲將練兵布陣料敵設奇之事付之大將臨機應變伸縮自由責之副叅遊佐等官總督巡撫不得牽制但惟各邊設立總督專爲調度軍務設立巡撫專爲贊理軍務若不申飭明白彼此相左未免反成窒礙合無今後居常防守不拘春夏仍聽總督大臣調度巡撫都御史贊理如果倉卒遇警軍門巡撫相去寫遠不分總副叅遊不必關白徑自出兵截勦若敢觀望退避駕言不得自由者悉聽總督撫按官從實查叅各以軍法從事

二曰選精厚犒太監欲將軍門挑取標兵之弊盡行
查革各營將領務以原數選其勇敢仍量給犒賞銀
兩聽將領自行賞罰合無斟酌所擬通將各邊總督
軍門今後標兵有缺於所屬各營通融選補不許止
將一營之兵盡挑精銳令其削弱不堪戰守一面查
議前項犒銀應於何項取辦每鎮每營合該用銀若
千備咨戶部并本部以憑會議以爲經久之計

三曰寬弛法網大略欲緩考察之文寬歲月之限將
領謀勇者不問性氣主裨參佐與部署守巡等官相
見定爲禮節合無依其所擬通行各該總督撫按今

後將領功罪守巡道自行查勘不必委之府佐等官
散拘凌辱考察舉劾之文亦不許偏聽所屬挾私妄
舉其總兵與巡撫副叅遊擊與守巡兵備原係賓主
平揖平坐不相遜避寸備以下與守巡兵道原係屬
官與通判經歷亦係賓主自有定體敢有妄自尊大
凌辱將領者聽本部與該科訪實指名叅奏輕則降
調重則罷黜以示懲戒

四曰重刑不赦大略以要申明律例將領之逗遛觀
望者拏解必刑叅遊以下具奏請決令無依止所擬
通行各邊總督大臣將所屬將官嚴加省諭使知

畏法不畏敵之義敢有臨陣逗遛失悞軍機者自總副以至守操即行叅奏拏問取招奏請必罰無赦問有衆寡不敵遠近不一情可矜疑犯該軍罪立功者亦要問明發遣聽其自效以俟准贖不得仍踵夙弊寅緣復用

五曰選任必精大略欲將諸將之中嚴加甄別摘黜交通貪肆之徒務求忠實以當其任合無依其所擬通行各該總督撫按衙門各將所屬見任大小將領逐一考覈要見某人交通某人貪肆每鎮各擇其甚者一二人指名叅奏若一鎮之中全無此輩亦不必

過爲搜索以傷大體

六曰嚴核疏報大略謂將官失事督撫反爲掩飾欲要嚴明賞罰毋得雷同以混功罪合無依其所擬通行各該撫按等官以後凡遇虜情不拘輕重功罪不拘大小俱要從實聞奏以俟

宸斷不得聽信將官掩飾覘報以負

聖明之知以失重臣之體違者聽該科并巡按御史叅究請命浙江巡撫劉畿總督浙直江西軍務平寇疏題爲敷陳末見以責成安攘事職方清吏司案呈奉本部送兵科抄出工科給事中嚴從簡題奉

聖旨該部看了來說欽此又該南京兵科等科署科事南京工科給事中甄沛等奏爲群盜流劫畿縣乞經畫兵鎮戒飭臣工以圖久安事南京福建等道監察御史劉岸等奏爲礦賊攻劫畿縣乞復兵備以圖久安事巡按直隸監察御史賀賁題爲礦寇侵犯縣治焚掠退遁查究失事官員併乞

聖明嚴飭撫臣急議勦絕以靖地方事俱奉

聖旨兵部知道欽此又該總理糧儲提督軍務兼巡撫應天等府地方都察院右僉都御史周如斗題爲隣省礦賊屢肆搶擄乞加議處以安地方事奉

聖日兵部看了來說欽此欽遵通抄送司卷查先該巡撫
應天都御史周如斗題爲議處弭盜事宜以保生靈
以安重地事該本部議將徽州府并所屬婺源三縣
改隸浙江分巡台金嚴道就近統攝覆奉

欽依請給 勅書通行欽遵外又准應天撫按官都御史
周如斗等各揭帖爲隣省礦賊肅聚入犯搶擄地方
事該本部覆奉

聖旨是這礦賊著劉畿周如斗協同作速勦捕以靖地方
欽此又該巡撫應天都御史周如斗揭帖爲礦賊突
犯縣治搶擄退遁等事巡按直隸監察御史宋纁揭

帖爲隣省礮賊攻破縣治乞 賜分別懲勸以警人
心以圖保固等事通該本部議擬覆奉

聖旨是周如斗罰俸一箇月何東序罰俸二箇月張子瑄
等巡按御史提問具奏擒捕礮賊練兵築城等項浙直
巡撫都御史各上緊行欽此又該巡撫浙江都御史劉
畿揭帖爲飛報地方賊情事等因該本部覆題奉

聖旨是這礮賊著謝登之周如斗會同劉畿各急發兵夾
勦不許自分彼此縱寇殃民欽此通行欽遵去後今該
前因通查案呈到部看得工科給事中嚴從簡南京
兵科等科給事中甄沛等南京福建等道監察御史

劉庠等巡按直隸御史賀賁巡撫應天都御史周如
斗各具題前因大率皆謂徽州婺源與浙江開化江
西德興礪賊攻縣焚掠欲將浙江巡撫加以總督之
銜調兵征勦及于徽饒等處添設兵備副使各一節
爲照前項山寇倏出倏沒未有掃蕩之期各該官兵
分土分民原無節制之義臣等參酌諸臣之奏附以
一得之愚大率目下亟當舉行者綱領有二其一則
總督軍門不可常設不可不暫設蓋常設則動成牽
制勢難爲久不暫設則事無統紀勢難相下其二則
兵備該設於浙江不該設於直隸蓋浙江乃盜之上

源不塞其源其流必濫直隸乃盜之下流止治其流
其源難清至於善後事宜雖稱多端封閉雲霧山場
以絕根本禁止兵備叅謁以脩職業尤爲要務係干
軍機相應通行議擬合候

下將浙江巡撫都御史劉畿量加本部職銜不妨巡撫
總督浙直江西軍務仍督同江西巡撫都御史周如
斗應天巡撫都御史謝登之嚴率各該兵備等道調
集三省兵馬將前礮賊或搗巢穴或遏奔潰或勦捕
首惡或撫散脇從一切戰守兵食悉聽便宜另請
勅諭欽遵行事事寧照舊巡撫徽饒嚴備四府地方添設

兵備副使一員就於浙江按察司列銜駐劄衢州往來徽州嚴州饒州不時巡歷本部定擬責任請給

勅書一道賞付本官欽遵行事合用關防移咨禮部徑自

鑄給不許各省叅謁總督撫按致妨政務如違聽本

部及該科訪出叅奏罷斥總督撫按如敢不行禁止

一體重加究治其近議台金嚴分巡道不必干預兵

備事務以後浙直三省巡撫并分巡兵備等官遇該

陞遷之時停其陞遷各加應得俸銜少俟賊平另行

議處縣丞王岳主簿詹翔驚劉宗賢移咨都察院轉

行應天巡按御史一併提問一面移咨劉畿先將開

化縣掌印巡捕等官俸糧住支令其戴罪殺賊各處
近山豪官窩主勾引之徒會同浙江巡按御史嚴行
查究盡法問擬仍將雲霧山場嚴加封禁以絕弊端
不許仍前聽其網利貽害地方其謝登之到任如果
遲緩委當量加罰治均乞

聖裁嘉靖四十五年三月二十八日題奉

聖旨是劉畿陞兵部右侍郎兼都察院右僉都御史著不
妨巡撫總督浙直江西軍務上緊調集官兵勦捕殲賊
以靖地方山場嚴加封閉不許勢豪規利啓釁司道官
叅詢廢政不獨浙江爲然吏部都察院通行禁革謝登

之罰俸一箇月其餘依擬欽此

覆巡撫貴州都御史陳洪濠請誅叛賊黃中疏
題爲土寇大肆猖獗貽患地方撫勦成功懇乞

聖明乾斷以正法紀事職方清吏司案呈奉本部送兵科
抄出巡撫貴州兼督湖北川東等處地方提督軍務
都察院右副都御史陳洪濠題奉

聖旨兵部知道欽此欽遵抄出送司案呈到部看得提督
軍務巡撫貴州都御史陳洪濠題稱逆寇黃中虎踞
一方跳梁廿載所當盡法梟示施州衛掌印指揮童
養廉背恩納賄潛爲心腹荆瞿守備鍾曉知情受賂

陰與交權罪當首論要行湖廣四川巡按御史紀驗
功級并將黃中與其弟男黃金黃洪道盡法典刑誅
曉章養廉招詳定擬投降黃甲黃講黃洪達黃榜等
姑宥脇從解散原占地土次官應否設立縣所仍行
兩省撫按衙門選委司道官會議各一節爲照四川
湖廣二省撫勦黃中一事據今陳洪濛所奏略其情
之所以異要其功之所由同查與本部原議四川勦
之固爲正中之奇湖廣撫之亦爲奇中之正大率相
同除將奏內一切事情備行二處巡按御史一併查
勘通行回奏外但惟逆酋黃中罪大惡極神人共憤

若使久在囹圄未免別生事端合無聽湖廣巡按御史會同巡撫都御史將黃中先行依律處決梟示其妻男弟姪姑候勘至另行議處但生殺出自

朝廷嘉靖四十五年四月初二日題奉

聖旨是黃中著巡按御史便會官處決梟示欽此

覆給事中周世遠條陳禁剝削弭亂源二事疏

題爲酌陳時政之要以效愚忠以裨

聖治事職方清吏司案呈奉本部送兵科抄出禮科給事

中周世遠題奉

聖旨該部看了來說欽此抄出送司案呈到部看得禮科

給事中周世遠條陳二事俱隸本部合就開立前
議擬上請定奪嘉靖四十五年四月初七日題奉
聖旨韓濟文并何君表著送法司嚴行追問具奏一應潛
住人役嚴衛及五城御史訪拏究治不許容縱其餘依
議行欽此

一曰昭勸戒以除剝削之弊大略謂南北將士習成
債帥巧肆錢神打點承委人員鑽刺推陞美缺要行
各該總督撫按衙門嚴加禁諭慎重差委本部分別
保劾人員勘核功罪及稱遊擊韓濟文原任總兵趙
司用賄未遂痛應裁抑并賞買勅劄人役盡行釐

革查得本部推用將官在內憑巡視科道年終奏薦
在外憑總督撫按循例舉劾一遇員缺斟酌將材長
短地方遠近疏名上請間有一二奔競之徒即痛加
裁抑或題奉

明旨革去管事或備行督撫從重懲治惟求得人不惜任
怨以故邇年以來請託無聞固不能體

國奉公如該科所言至于偏徇之事

聖明在上不惟不敢亦不忍也據今京營遊擊韓濟文延
綏總兵趙苛所爲該科聞見必真似難姑置合無將
韓濟文并家人何君表通送法司用刑追問要見榜

金將欲投送何官潛住將欲營求何事干礙權要一體叅奏趙哥打點一節移咨都察院轉行彼處巡按御史查照先今事理文書到日限一月以裏從重問結徑自回奏本部一面通行敝衛衙門及五城御史以後地方但有潛住人役密切訪拏應叅奏者叅奏應究治者究治各該總督撫按舉劾將領俱要從公體訪據實開註行勘事情俱要虛心研問據法議擬如或信任委官事情混亂偏執已見舉劾異同及容縱所屬將領承委官役通同餽贈如下程贄儀之類扣冒科斂如分例糧賞之類不行指摘叅論者聽臣

等與該科論究臣等敢有一毫不公不法悉聽科道
官指名叅劾以後陞用武職憑劄在京者責令面領
在外者不拘憑劄多寡每一巡撫處移咨一張開具
劄憑件數官冒姓名令其就近給付隨即回咨本部
查考其頒給勅書事在內府原有題准三班舍
人并新選官順賚事例難以別議

一曰嚴責成以弭禍亂之源大略謂近日各處巡撫
司府州縣等官久任法壞責成未嚴凡事尤多蒙蔽
以致湖川兩廣釀成禍端江南通泰等處復具亂形
欲行各該巡按將川湖廣浙追查養亂官員重加叅

劾通泰有盜去所相機勦撫申明保甲之法舉行鄉約之會查得久任之例保甲之法節該科道官具題
屢奉 欽依致盜之由近奉

明旨通行各該撫按訪求脩改革弊

聖諭諄復洞切民隱臣工建白深中機宜查與該科所議大略相同合無依其所擬移咨都察院轉行四川湖廣兩廣浙江南直隸各該巡按御史如黃中蔡伯貫王西橋吳平之類各另查究玩愒怠縱起自何年蒙蔽容隱始自何官從實叅論南直隸通泰高如等處速將興販鹽礦之賊痛加擒勦結聚流移之衆善爲

撫處務期盜息民安以慰

聖懷一面通行巡撫都御史不拘府衛州縣城邑遠近大小村落俱要舉行保甲之法使比閭族黨守望相助不許該管官司點閭科索及增騷動至於鄉約之會聖祖榜文燦然明備全在府州縣正官加意舉行巡按御史所至之處嚴行稽查以脩實政

申飭河南撫輯勦捕事宜疏

題爲欽遵

聖訓申飭撫輯勦捕事宜以靖地方事職方清吏司案呈
查得先奉本部送該司禮監太監黃錦傳奉

聖諭朕聞各處強賊甚多何有司者欺心坐視全不經理
兵部便行文與各該巡撫官便著嚴督有司撫緝擒捕
務要靖除如仍前怠事的從實叅究處治欽此隨該本
部議覆六事已經奉有

欽依外即今河南等府旱荒至極人不聊生嵩縣盧氏一
帶殍徒淵數萬一民窮盜起關係不輕呈乞議處等
因案呈到部看得河南地方平原廣野四通八達豐
裕之年有司失於撫輯已足致盜凶荒之歲窮民迫
於饑餒自是多虞要之撫輯之仁擒捕之義無出於
聖諭之外所據該司具呈前因委得先事之慮思患預防

相應亟行議擬合候

命下移咨河南巡撫都御史孟養性會同巡按御史督同
司道等官速查所屬各府何處災輕應該量賑何處
災重應該大賑無名之征盡為停止綏安之策多方
講求以卹民隱以慰

聖衷應施行者徑自施行應具奏者從實會奏至於整飭
兵馬係干本部職守就將後開事宜逐一議處文書
到日通限二十日以裏分款回奏不得因循玩愒如
近日南直隸徽州府四川大足縣之事束手無措自
取叅究嘉靖四十五年四月十四日題奉

聖旨是這撫輯勦捕事宜著撫按官作速查議奏請欽此
一汝南河南二兵備道雖稱不妨分巡兼理兵備不
知所領軍馬實有若干常在何處操練果有警報是
否精強堪以禦寇應會隣境何道兵備併力截殺逐
一議處停當備細回奏

一唯陳兵備道雖有見兵三千名不知是否精強堪
以禦寇如果有警分付何官統領應會隣境何道逐
一議處停當備細回奏

一分巡河北道雖兼兵備駐劄磁州不知所領軍馬
實有若干常在何處操練果有警報例該會同分守

道不知有無掣肘逐一議處停當從實回奏

一睢陳叅將雖駐歸德實當河南南直隸二省戎馬之事不知見在兵馬實有若干是否精強堪以應用果有警報與睢陳徐穎二道會同行事有無便利逐一議處停當從實回奏

一汝寧守備雖稱駐劄汝寧不知所操軍士與汝寧兵備共是一兵或各自有兵遇有警報與兵備會同截殺或專任出戰之事見任守備杜繼宗果否堪任一併從實回奏

一南陽守備提督幾衛幾所操練何項軍馬巡視何

項礦洞遇有警報量調何處官軍會同何州何縣民
快火夫見任守備姚應禎果否堪任一併從實回奏
一涉縣守備原爲禦虜而設太行南北相去邊關一
二千里不守門戶而守堂奧殊爲無謂雖事體已定
難以裁革至於軍馬職守必須另議停當從實回奏
一查得歸德守備近因睢陳叅將駐劄歸德裁革已
當至於嵩縣原有守備似當復設應撥何衛何所軍
士若干聽其管理令其無警則駐劄嵩縣守禦城池
有警則聽巡撫官調與毛葫蘆之兵令其就近統領
截殺本部仍推邊官一員前去任事未盡事宜逐一

議處停當從實回奏

一宣武等衛所見在軍士通行查出要見守城雜差若干京班宣班操備若干見在兵備守備下若干兩相影射全不當差如已革徽府旗軍若干應該作何處治各州縣民壯若干巡司弓兵若干務使人人俱有著落不致虛費糧餉逐一議處停當從實回奏

一見在各兵有馬無馬有馬者果以何項錢糧養馬缺馬者當於何項馬內撥給其供軍餘丁即如汝州一衛多至五千別衛別所餘丁似亦不少責令湊銀買馬人情事體有無相應逐一議處停當從實回奏

會議京營科道等官叅彭城衛軍士放糧毆官疏
題爲司官監放軍糧滋弊致侮懇乞

聖明究治以肅法紀事兵科抄出巡視京營禮科等衙門
右給事中等官段朝宗等題前事又該戶科署科事
給事中舒化等題爲司官散糧被軍侮辱懇乞

聖明併賜查究以正法紀事俱奉

聖旨兵部會同法司叅看了來說欽此隨准刑部咨刑科
抄出太子太保戶部尚書高燿等題爲議放官軍折
色月糧事奉

聖旨焦純著法司提了問欽此備咨到部行據職方清吏

司署郎中事主事姜廷珪呈稱奉本部劄付即同刑部福建清吏司署印署員外郎事主事劉得寬會問得犯人焦純供係見任彭城衛後所百戶本所該季放糧委官狀供嘉靖四十五年三月分蒙戶部議將本所官軍五百六十員名應支月糧每石折銀五錢本衛在官掌印指揮周臣呈委散拘在官指揮李敏同純前往太倉銀庫照數關銀二百八十兩回所鑒碎秤分純明知軍職有犯監守盜財滿貫律該斬罪者發邊方立功五年滿日還職仍於原衛所帶俸差操事例不合故違侵剋銀一十五兩內將銀三兩送

李敏五錢送未到官戶部書辦汪奎一兩送未到官
阜隸潘欽等各不合接收入已餘銀一十兩五錢純
入已訖止將銀二百六十五兩鑒分包封每分每包
各扣三四分不等周臣亦不合失於覺察本月二十
五日朦朧稟請戶部監放吏官丁主事前到靈濟宮
唱名給散間比有在官軍人吳移住孟來福安現領
出前銀止秤有四錢六分四錢七分見得侵剋太多
自合赴部陳告爲當却各不合故違因事聚衆將本
管官毆打綁縛者俱問罪不分首從軍發極邊衛分
充軍若止是毆打爲首者照前充軍問發爲從者各

初號一箇月發落事例輒將純穿帶紗帽圓領盡行
搗碎毆打隨蒙丁主事覺知將純責治其餘爲從約
有四五十人不知姓名各四散訖本年四月內先蒙
戶部止將純叅送法司今蒙戶科并巡視京營科道
段給事中等將一千人證通行題叅奉

聖旨兵部會同法司叅看了來說蒙將純等一千人犯拘
提到官從公鞫審前情不能隱諱所供是實據此理
合具呈等因臣等會同刑部尚書臣黃光昇等叅看
得軍士俯仰之資止賴糧餉肆行侵扣者當以法懲
朝廷制馭之方全在紀綱敢於悖違者自難情恕所據

彭城衛給散折色月糧一事在百戶焦純尅銀多至
十四五兩監守自盜官物例該邊方立功在營軍吳
移住孟來福安現糾衆多至數十餘人毆打本管官
員例該改調邊衛指揮李敏賊私有迹致令豪軍之
驕蹇主事丁一中綜理無法坐視貪惡之縱橫既該
科道官段朝宗舒化邵光先交章論列前來又經署
郎中姜廷珽署員外郎劉得寬勘問明白內爲從諸
軍倉卒之際未曾查有姓名若使根連株繫不免罪
及無辜相應通行酌處合候

命下將丁一中改調外任李敏革去見任於祖職上重加

降級焦純查發邊方立功五年滿日帶俸差操不許
管軍管事李敏焦純贓銀各照數追完送還戶部徑
自查處吳移住孟來福安現三名俱改調極邊衛分
雖遇赦宥不許回衛一面移文戎政大臣將彭城
衛官軍通行曉諭今次止罪首惡其餘姑免深究各
要洗心改慮謹守國法毋得冥頑狂悖自取身家
之禍一面移文戶部以後給放各項官錢該庫必須
秤對足數不許分毫短少選委才幹司屬官監督衛
所等官仍敢侵扣吏卒人等仍敢需索未發則聽其
嚴加禁戢已發則聽其呈部叅究如或縱容不舉則

是自失職守 國典具在亦難輕貸其書辦汪奎阜
隸潘欽等賊數不多容臣等刑部另行問招審允發
落掌印指揮周臣止是失於覺察別無情弊似當免
究嘉靖四十五年四月十七日題奉

聖旨是丁一中著調外任李敏降二級并焦純吳移住等
俱依擬今後給放錢糧該部務選委司屬官監督嚴革
一應奸弊不許容縱欽此

會議疏濬京城河渠疏

題爲循職掌據見聞議脩復以壯 國威以俾萬世治
安事兵科抄出工科都給事中王元春等題奉

聖旨兵部會同工部便看了來說欽此欽遵先該臣等見得京城河渠多半淤涸已經會同工部行委本部職方清吏司署郎中姜廷珏工部都水清吏司主事梅友松看得自正陽門迤東起至東便門止中間應挑濬者三分之一自東便門迤北起至東直門止濬身兩岸俱用全挑自安定門東角起至德勝門迤東止中間應挑濬者三分之二自德勝門迤西起至水磨碓閘止俱不用挑自德勝門水閘迤西濬身寬闊應築外堤一道高約五尺挑深五尺此處工力獨多再西北應築堤三尺疏深六尺以引高郎橋之水自西

直門迤北起至橋止俱用全挑自西直門迤南起至
阜城門迤北止俱不用挑自阜城門迤南起至西便
門止中間應挑濬者三分之一自西便門起至宣武
門迤東止中間應挑濬者大約不上一分等因呈報
前來議處聞今該前因臣等會同少保兼太子太傅
工部尚書臣雷禮等議得城郭溝池以爲固自昔隆
盛之世在所不廢况京師根本重地四方之極比之
省府州縣尤爲不同乃今正陽等九門之外河渠壅
淤閘壩損壞該科得於所見敷陳甚明臣等先已慮
及勘議頗悉仰遵

嚴旨相應亟行議擬合候

命下兵部劄委主事龔憲工部劄委員外郎沈子木綜理其事擇日興工每工各委叅遊官一員分理其事合用人夫於見在班軍內撥發備行戶部照依大工事例支給塩糧河內取出土渣務要運至外岸稍遠去處就便填塞低窪以防雨後復衝入渠徒勞無益損壞閘壩工部一面採辦石料燒造磚灰以次脩理其沿河小牆并外城河渠候前項工程完日另議施行

工料並差給事中一員移咨都察院劄委西城

總督以一面先同二部司屬親詣西山河

源所在逐一踏勘臣等覆勘但有臨河引水灌溉田
圃致塞渠流者責令作速改正勢豪之家如敢抗違
阻撓聽科道官指名叅奏以憑重治以後如有損壞
低窪照依天順六年題准事例隨即填補不必拘定
三年五年之限臣等兵工二部堂上官并戎政大臣
不時往來閱視未盡事宜容臣等徑自隨宜計處務
期地利人和仰副

聖明設儉守國至意不敢草率不敢怠緩嘉靖四十五年
四月二十二日題奉

聖旨是這城河閘壩便擇日興工疏濬脩理勢豪抗違阻



捷的著巡督科道官指名叅奏欽此

覆山西總督撫按官趙炳然等處寧武所叛軍疏
題爲棍徒作俑乘機劫財事職方清吏司案呈奉本部
送兵科抄出總督宣大山西等處地方軍務兼理糧
餉兵部尚書兼都察院右都御史趙炳然提督鴈門
等關兼巡撫山西地方都察院右僉都御史王繼洛
巡按山西監察御史陳桂題俱奉

聖旨兵部知道欽此通抄送司案呈到部看得前項寧武
之變首惡旣已殄滅脅從自難深究總兵兵備等官
典守之罪雖屈難辭坐管把總等官擒勦之功亦不

容浪既該總督撫按等官尚書趙炳然等具題前來
相應通行議擬合候

命下將兵備叅議沈紹德免其究治總兵官董一奎嚴加
戒飭守備董大衆量加罰治王守正李鎮等聽總督
衙門分別犒賞一面移咨都察院轉行巡按山西御
史將郝洪行提問罪兇逆張子智等死有餘辜仍行
斬首梟掛沿邊地方以示懲戒一面移咨趙炳然王
繼洛將脅從之徒明白曉諭使知修築城堡原為保
護軍民首惡既已伏誅其餘被其誑惑姑不追問各
宜洗心滌慮保守身家毋得冥頑狂悖自干

天憲嘉靖四十五年五月初五日題奉
聖旨是董大衆罰俸一箇月郝洪著巡按御史提問具奏

欽此

葉毅公本
疏議卷十八終